

districtum Parme bene agendo. Revocatis, remissis et indultis  
 ipsis dominis de Rubeis et amicis eorum predictis, silicet exulibus,  
 absentatis, vel expulsis, omnibus offensionibus, bannis, processibus  
 sententiis, condemnationibus atque honeribus quibuscumque, tam  
 veteribus quam novis, impositis vel factis personis vel de personis  
 aut bonis eorum vel alicui eorum quomodocumque, qualitercumque,  
 ubicumque et quoruncumque usque in diem presentem. Et insu-  
 per dicti eorum amici etc. debeant esse exenti, liberi et immunes,  
 usque ad tres annos proximos, ab omnibus factionibus et oneribus  
 dictorum dominorum de la Scala et comunis Parme quocum-  
 que nomine censeantur. Et etiam quod infra dictum tempus et  
 terminum ipsi pro aliquibus debitis, in quibus tenerentur cum  
 carta vel sine carta aliquibus personis conveniri vel molestari non  
 possint nec alii pro eis ullo modo. Sed a dicto termino in antea  
 tractentur, sicut alii cives et districtuales Parme, in ratione et iu-  
 sticia, nec graventur realiter vel personaliter ultra comunem vel  
 generalem impositionem, que civibus et districtualibus Parme  
 generaliter imponeretur et fieret. Hoc preintellecto et expresse  
 dicto quod aliquod privilegium, pedagium, donum, permissio,  
 gratia vel collatio, impetratum, receptum vel factum, seu impe-  
 trata, recepta vel facta per ipsos dominos de Rubeis vel ipsis  
 dominis aut aliquibus amicis eorum ab annis viginti quinque citra  
 per ecclesiam Romanam vel per Imperatorem aut per Regem  
 Boemie seu per comune Parme vel per ipsos etiam dominos de  
 la Scala de rebus videlicet aliquibus, honoribus, jurisdictionibus,  
 possessionibus, pecunia vel bonis temporalibus, spectantibus co-  
 muni Parme aut aliquibus singularibus personis dicti comunis,  
 non intelligatur nec comprehendatur in bonis, rebus, possessio-  
 nibus vel iuribus que debent restitui dictis dominis de Rubeis vel  
 amicis eorum, ut superius est expessum.

Item quod Rolando de Rubeis vel suo nuntio pro dando ei  
 omnem bonam causam, dentur omni mense, a die quo acceptaverit  
 et gratificaverit istam pacem, toto tempore quo vixerit, de camera